

## Transkription von Urkunde HGW 1383a

Ort, Datierung: Greifswald, 1383-10-18

Signatur: Stadtarchiv Hansestadt Greifswald, Rep. 2 Nr. 164 [\[online\]](#)

Inhalt: Kloster zu Eldena: Schiedsspruch durch Bischof Philipp von Rehberg

Jn godes namen amen . Wý johannes Abbet . Petrus prior . hermann(us) vnderprior Eckhardus . Joh(ann)es van der / kemerntze . herma(n)n(us) nyenkerken . herma(n)n(us) zeleghe . herma(n)nus brúnsw . hermann(us) kunrow . hinricus boldeýr / johannes warne . marquardus ghýse . joh(ann)es strokerke monneke dude oltheren des closters tho der eldena . vnd(e) / dadt gantze couent heren vnd brodere des súluen closters bekenne(n) vnd bethügen openbar an desseme ýe/ghenwordeghen breue wo de erlike vader in ghode vze here her phýlippus biscoop van camýn heft an / ghezeen de twedracht de thûschen vns vnd(e) vnzeme clostere vore benomet tho der eldena van der / enen weghene . vnd der staat tho deme grypeswald van der anderen weghene ýs gheweset vmme / der pale wýllen de zee ghestoot hadden bý deme bolwerke thû deme clostere woort an deme reke . / vnd vppe daat . daat de twedracht worde ghebleghen zo heft he ghesant vze here de byscop vore be/nomet twe erbare doomheren wan van camýn vte sýme capittle . alze her phýlippu(m) van helpte / archýdyaken van vžnym . vnd her hennýngh glazenape scholasticum daar súlues thû camyn . / de an ghezeen hebben de nûttecheýt vses closters thû der eldena vnd ok der staat thû deme grypes/wolde . vnd hebbent vntscheden na v(n)ser beýder vulboord an desser mate . daat wý van vnser vnde / vnser closters weghene scholen gúnner der staat thû deme gripeswolde pale tho stodende bý beý / den ziden des bolwerkes van deme houede ener dele van veer vnd twýntich boten lank . nicht thû / hýnderde de rechtecheýt vses closters men dorch willen wedder tho bewýsende vns vnd(e) vseme / clostere . hirmede schal nemende zýne rechtecheýt zýn ghebroken de wý an beýden tzyden / hebben . ýd sý an rechten reddeleken breuen . ýd sý an rechter reddeliker besittýnghe . ýd sý an rech/ter reddeliker bewýsinghe edder an ýeg ýeneghen dýnghen . men vast an eren stúcken thû / blyuende . vnd daar mede scal wesen gheleghet alle twedracht de ghewesen ýs tûschen vse/me clostere vnd(e) der staat thû deme gripeswolde also daat wý an beýden tzyden scholen holden / alle dýnk also ýd heft ghewesen van oldes . vnd vnser een den anderen vorderen scaal vnd(e) / eren wor he kan vnd(e) mach . Tho ener bekenntnisse alle desser vorescreuener dýnk zo hebbe / wý vnse ýngheseghel vnd(e) vnser couentes . myt den ýngheseghelen der erbaren heren her / phýlippus vnd(e) her hennýnghes vore benomet ghehenghet vor dessen breef . De gheuen / vnd(e) screuen ýs na godes boord drútteýnhundert jaar . an deme drie vnd(e) achtegesten jare / An sũnte Lucas daghe des hilghen ewangelisten etc.